

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaat (Akitsuummik atorunnaarsitsineq, naalagaaffillu pisortaasa pisortatigoortumik tikeraarnerannut il.il. atatillugu qamutit motorillit eqqunneqarneranni akitsuummik atorunnaarsitsineq)

§ 1

Nioqqutissanik eqqussuinermi akitsuutit pillugit Inatsisartut inatsisaat nr. 19, 30. oktober 1992-imeersumi, kingullermik Inatsisartut inatsisaanni nr. 23, 18. november 2019-imeersumi allanngortinneqartumi, uku allanngortinneqarput:

1. § 1, imm. 1-imi nr. 11, 12 aamma 16 atuukkunnaarsinneqassapput, nr. 17-ilu imatut oqaasertalerneqassalluni:

” Nr. 17.

Nioqqutissat allat nr. 13-imit 16-imut allassimasut, piariikkat imaluunniit aqerlortikkat,

a) savaqqat savallu neqaannit nioqqutissiat, nioqqutissat allattorsimaffianni makkunani allassimasut, 1602.10.00.0, 1602.90.71.0.10 aamma 1602.90.79.0.10 kg.-imut 25 kr. 00 øre.

b) nersussuit neqaannit nioqqutissiat, nioqqutissat allattorsimaffianni makkunani allassimasut, 1602.10.00.0 kiisalu 1602.50.10.1-imit 1602.50.90.9 ilanngullugu aamma 1602.90.61.0 kiisalu 1602.90.69.0-imi kg.-imut 4 kr. 00 øre,

c) puulukit neqaannit nioqqutissiat, nioqqutissat allattorsimaffianni makkunani allassimasut, 1602.10.00.0 kiisalu 1602.41.10.1-imit 1602.49.90.0 ilanngullugu kiisalu 1602.90.51.0-imi kg.-imut 2 kr. 00 øre.

d) pølsit suulluunniit, tamatumani ilaallutik tingummit aammillu pølsiliat, nioqqutissat allattorsimaffianni kapitali 16.01-imi allassimasut kg.-imut 3 kr. 00 øre.

e) tingunnit nioqqutissiat, nioqqutissat allattorsimaffianni 1602.20.10.0-imi aamma 1602.20.90.0-imi allassimasut kg.-imut 2 kr. 50 øre.”

2. § 2 imm. 5-itut ivertinneqassaaq:

” Imm. 5. Qamutit motorillit akitsuuserneqartussaataitasut naalagaaffimmi oqartussanit nunaniluunniit allani oqartussanit naalagaaffimmi tikeraarnermut il.il. atatillugu atorneqartut, qamutit motorillit

eqqunneqarnerminnit kingusinnerpaamik ullut 30 qaangiunneranni anninneqaqqittussatut aalajangikkanut akitsuuteqanngitsitsisoqarsinnaavoq.”

3. § 3, nr. 1, litra d-f ima oqaasertalerneqassaaq:

”d) sulinermi atortut nammineq ingerlasut traktorillu,

e) naalagaaffiit allat aallartitaqarfinit sinniisoqarfinilluunniit pigineqartut, aamma

f) qamutit motoorillit nunaannakkoortaatit minnerusut sisamanik amerlanernilluunniit assakaasullit (ATV, UTV il.il.).”

§ 2

Inatsisartut inatsisaat ulloq 1. januar 2023 atuutilerpoq.

Namminersorlutik Oqartussat, ulloq 21. novembari 2022

Múte Bourup Egede
Naalakkersuisut Siulittaasuat

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut